

宋詩紀事補遺

宋詩紀事補遺卷之三十四

歸安陸心源伯剛父輯

薛嗣昌

字亢宗父向兄紹彭宋史有傳嗣昌以吏材奮
崇甯中歷熙河轉運判官陝西轉運副使知梓
州

宿草堂寺

馳車晚叩古禪林喬木參天一徑深門外亂山連翠
色竹閒流水漱清音幽懷暫喜來栖處高士遺蹤悉
訪尋誰會宗風當日意庭前蒼檜尚青陰金石萃編

郭異

字世英崇甯時人

觀海

洶洶濶無際滔滔勢欲東百川容莫量三島杳難窮
天淡祠堂古雲低客路通暫來回首懶歸轡逐西風

山左金石志

鄭以中

僕公山思杏丹仙

崇甯壬午

風雷龍虎驚州牧一去朝天更不還巖拆杏花空爛
熳泉盈丹井尙遲漫嶺頭猿起淒涼歎洞口雲歸寂

賓閑登覽幾回餘悵望只聞人道僕公山

光山縣志

章清

字仲甯姑蘇人大觀元年知汀州

遊二老峯

最愛東山碧玉叢洗開塵土見磗隆官閑莫道口口
道看取巖前二老峯

長汀縣志金石

劉才邵

厲有

清夜曲

紅藍衫薄香玉春翠鬟髮盤鬆雲門前溪水空粼
粼鯉素不傳嬌翠簾窗紗濾月寒光薄冉冉暮愁無

處著龜屏掩恨玉痕垂井桐葉墮青鸞啼

貢士張智觀登禾山白雲峯絕頂愛其清曠乃
結庵避穀凡十年後遂落髮法名永元紹興三
年夏訪予於城中具道所以出家及攜詩東遊
之意因作是詩以餓

白雲山人機鑒高了見萬法樓秋豪龜腸蟬腹耐清
苦空山坐聽鼴鼯號無心索價驚眾耳尙恐名出終
難逃一朝解去薜蘿服鬚剔須髮披方袍黃龍宗旨
人難湊涓滴不容消息漏一到禾山謁老方全機不
露三關透城中軍馬正紛紛紅塵漲空日色瘦問師

觸熱有底忙二向疎山聊宿留蒐奇獵怪空端倪詩
膽大於身數圍勿憂平淡少人愛此去定逢韓退之
年來世味種種薄文字習氣黏如鯉自信文通才未
盡猶堪重擬碧雲詩

次韻送盧汝丹

秋鴻社燕若爲情岐路東西亦可驚入夜朔風搖畫
角滿空星斗罩高城吳江浪闊兼天湧楚塞山長盡
日橫記取別筵看劍處怕聽庭樹曉鶴聲

詠竹

護惜龍孫意正勤風漪誰愛織成紋林中莫著山王

輩擬向他時詠五君

映日梅

冰肌耐熱本神人，肯與寒光便淺顰。
應笑海棠無道骨，睡紅怯翠不禁春。

枯溪居士集

錢紳

字仲仲無錫人大觀己丑進士任知州

濟川諸公同遊惠山因成長韻

好山如佳人，變態百種好。陰晴朝暮間，可愛不可道。
時時思一見，如垢久不潔。我來正清秋，令人豁懷抱。
秋色佳有餘，俗客迹如掃。佳哉二三友，在席每傾倒。

杖策窮榮迴高絕須一到幽尋不厭倦遇境卽窮討
階前千歲松閱盡眾木槁庭下百尺井空傳天眼老
陸子賞遺味至今泉浩浩高僧掛衣去誰識衣中寶
九淵深非龍徒見腓百草眾泉失蹊徑迷散不可攷
夜深山色清更對冰輪皓松柏影參差水中交荇藻
迴棹艤波心如在蓬瀛島舉觴望青天醉鄉得深造

題青山寺

筠庵招提入翠微碧波千頃照巖扉白頭人向斜陽
立黃帽僧衝細雨歸芳樹遠從湖外見殘雲紛繞雁
邊飛分明一片佳山景卻憶松邊筍蕨肥梁溪

歐陽識

安福人大觀三年進士

題望先亭

資水西來兼邵水龍山橫驚際梅山

輿地紀勝

董綱

大觀三年解試

句

郡爲三蜀蔽地與兩京通

輿地紀勝

胡舜陟

厲有

建炎丞相成國呂忠穆公退老堂詩

中興將相上凌烟社稷元功孰敢先萬物春生持斗
柄六龍回馭取虞淵中書方記汾陽考南國俄乘范
蠡船卻向園林新棟宇聊將勝事繼前賢

爲聞仙伯隱丹丘三徑新口結勝遊庭戶招呼松桂
月樽罍追遠芰荷秋曉猿夜鶴空留戀風虎雲龍自
應求已擁帥旄將入覲運籌破虜此歸休天台別編

漱玉泉

奔走塵沙五十程泉聲今夜響泠泠明朝畫鼓催征
騎不使行人仔細聽廣西通志山川

枕流亭

平生壯志在燕然投老南征未息肩
鼷鼠發機端可笑暫休戎馬弄潺湲

張宰

常州人大觀三年進士

翠雲山

未了人間朱墨緣強顏荒邑又三年
墳胷瞑目皆塵土直到峯頭始豁然

撫州府志

李健

字子健泗州人寓居金壇大觀三年進士主霍邱簿歷官辟雍正祕書省正字校書郎戶部右

薦貢外郎南渡後知宿州淮西提舉直祕閣知
廬州健有能詩聲未遇時與秦檜遇于金陵少
年氣盛不能相下以是坐廢見京口耆舊傳

題詞山

午庭官事了心與白雲閑泉脈瀉崖谷天風吹珮環
花開烟靄外人語翠微間山色看來好相留不放還

宋詩
拾遺

鄭集

醒水人大觀三年進士

休休亭

世事心知不可爲拂衣歸此養天機先生獨善端無
意可續春秋辨是非

山西通志

鄭建古

建古貴溪人大觀三年進士

對菊懷陸子靜

落落薌城二老翁白鬚遙映菊英中交成晚節人彌
淡吟到寒花句亦互灌溉已忻分綺色扶持還藉挹
芳叢吾徒素愛凌霜質相對應知臭味同

江西詩徵

左譽厲有

滌慮軒

過眼浮雲是也非
桔槔俯仰政兒嬉
欲知身世俱無染
看取蓮花在水時

洗盡塵機萬慮空
胸中水鑑許誰同
今宵正可談風月
借問何人是阿戎

天台續集

左鄙

厲有

過秦氏舊宅

格天閣在人何在
偃月堂深恨亦深
不見洛陽圖白髮
但知郿塢積黃金
直言動便遭羅網
舉目寧知有照臨
炙手附炎俱不見
可憐泥澤滿牆陰

輿地紀勝

鄭庭芬

字國華莆田人大觀三年進士累官太學博士
直祕閣終成都轉運使著有易索隱六卷覆詎
集二十卷奏議三卷八行諭蒙四卷見蒲陽比
事

陸子泉

塔中老宿空留影湖上嬰兒謾記名唯有塔前一泓
井至今不改舊時清輿地紀勝

索求

大觀三年廣東轉運判官

齊雲堂

巍堂聳太清日暮倚前楹飛鳥卻在下落霞相與平

眼

中窮百

越掌上瞰

三城送客一樽酒懷歸無恨情

廣東通志
古蹟畧

吳師能

四明人大觀己丑廣東轉運副使

留題南山寺

蒼崖千仞入寒雲一水分流照眼新潭孕蚌胎珠弄
月石藏虹氣玉蒸春輪蹄自老青山路杳火誰閒白
日身愧乏涓埃報君祿蕭條雙鬢滿衣塵

廣東通志
金石畧

李襄

江西吉水人大觀四年解試

鄧州堂唱和

不離雉堞似山家
消得詩翁著意誇
水界葱芊成畎澗
天將平遠入烟霞
沙禽暫落分明見
村徑相通取次斜
且莫向南舒望眼
塵埃闔閭事如麻

鍾祥縣志

趙佺

大觀四年朝請大夫成都轉運判官權永興路

常平見金石粹編

題順感院觀閣

一上危梯一解顏
重岡複嶺四周環
山川盡出登臨

外天地都歸俯仰閒飛鳥直隨雙目斷遊雲長與片
心閒文書了卻無餘事日午須來日落還

又

一到巾山眼界寬招提直在翠微閒黃鸝過處金穿
柳白鶯飛時雪點山漁艇兩三隨月上海帆八九趁
潮還歸時聽得梅花角落日西城未掩關

題北山松軒

萬木有榮謝此松無盛衰夢蘭秋韻起碁罷午陰移
般匠顧不顧秦君知未知亭亭高節在看取雪霜時

遊日山

背日西來眼界明隔溪遙見梵王城旌旗夾道蔽山影笳鼓入林聞谷聲青鳥向人疑有意白雲迎客無情夕陽臨水共歸去明日紛紛塵事生

別天台

攜家隱青山青山不我留遣我出山去再拜辭丹丘
王命急星火駕言促西遊朝遊白雲城暮宿黃花洲
佳人牽我衣挽斷不回頭路旁立樵叟問我何所求
長安美少年氣槩凌清秋鸞臺與鳳閣一一皆俊游
掉臂爾欲往獨不愧且羞此言眞吾藥口訥不易酬
我本麋鹿性直與山林投云何就冷局歲月空悠悠

願公看我還長歌賦歸休

天台
續集

郭廣和

大觀四年金州郡丞

金州

比年學校興禮義生於富使節按部來士子皆奔轅
輿地紀勝

馮如愚

字真道渠江人大觀進士

句

地靈人秀誰稱首文屬君華武硬弓

輿地紀勝牟袞字君華國初普州破荒及

第

劉澤武

藝精絕

隨太祖定天下

號爲劉

硬弓皆普

州人也

家誠之

眉州人大觀進士

輓黃忠文公

自從朱邸翊元良聖學磨礪日就將嗜鮑豈容登鼎俎剪桐爭肯戲圭璋經筵猶有八圖在御座俄驚一鑑亡卽典隆名雖寵渥何如大政細平章

棘闈尙記一窗鄰把酒論文情獨親轍跡我猶循井絡履聲公已上星辰追思九鼎回天力莫贖千金報

國身老去驅車雙劍道忍看高冢臥麒麟

保寧府志

史祖道

眉州人大觀進士

句

明朝送我扁舟去字水秋風有幾篙

輿地紀勝

鮑朝賓

永嘉人大觀中知湖州

登華頂峰

籃輿宜上八重峰千里秋蟾咫尺中寄語塵寰高會
者清光不與世間同

天台續集

孫鼈

字朴才大觀時人

留宿草堂詩

雙樹輪囷五百年開華結實兩爭妍我來問道師知
否祖意元無法可傳金石萃編

季季

大觀時人

祈澤寺詩刻

虛窗雲暗青燈小松檜無風春悄悄子規枝上叫夢
回清磬一聲山月曉

官南官北添身累年去年來換鬢青何日歸來閑歲
月掃山廬墓過餘齡

金石
萃編

梁彥深

須城人大觀閒左朝議大夫

贈靈岩元長老

高僧升座息塵埃萬慮都忘智眼開今日

口口知宿世有緣來

靈岩集

方元修

字時敏桐廬人政和初監察大觀庫後通判渭
州幼有詩名有元英之風

人日見梅花

雪淨冰融溪作鱗
梅花經眼日當人
北枝風力顧不早
東閣詩情聊一新

桐廬志

李正民厲有

建炎丞相成國呂忠穆公退老堂詩

將相勳名紀太常旌旗聊駐水雲鄉
栽培草木平泉重放浪琴書綠野堂
身健未應親几杖公歸正欲望軒裳
東山謝傅風流在盛事齊稱在海傍

天台別編

挽廣川先生

萬卷胸中富千年筆下新
廣川揚素業延閣想芳塵

晚陟螭坳峻俄留鳳沼津遺書應滿篋不愧泣麒麟

寄艾若訥

擬尋荒僻事田園竊食祠廷愧國恩休論鶴長鳬甚
短且看齒落舌猶存陶潛昔去因多忤房琯今知欠
不言欲問大鈞吾豈敢喙長三尺亦須吞

寓居

昔年南渡苦奔波天幸驚禽脫綱羅結綬懷黃真忝
竊求田問舍已蹉跎爛柯山下樵蘇賤構李城邊魚
鱣多萍泛蓬飄終未靖作勞聊復強悲歌

投老

投老疎慵分棄捐潛心終日玩韋編欲臨南浦開三
徑更就東皋卜一廛得意故人多厚祿入流舊吏亦
登仙聞來且泛秦溪水笑把蘭橈上釣船

卜居

吳越飄零已十年侵尋綠髮變華顚身閒且運陶公
甓力弱難先祖逖鞭兵火廣陵無舊業溝渠櫓李有
新田此懷應被元龍笑更傍苕溪卜一廛

將之海鹽留別和叔

閒官贏得自由身且逐漁鹽蒼海濱老去心情尤惜
別亂餘宗黨喜相親向平兒女催婚嫁陶令田園翳

棘榛擾擾浮生須有後不應迢遞爲鱸蓴

國恩未報作閑人猶愧塵踪侍玉宸松菊就荒徒引
領山川信美獨傷神杜陵衰老終辭蜀王粲登臨苦
憶秦行止非人難預料他年重上穀溪津

烟塵倉猝到淮東僅亢衰宗擾擾中浩氣不爲憂患
折直辭寧與詭隨同西清自愧名浮實河潤深漸惠
未豐白髮相看眞惜別祗憑一溉養衰翁

和趙表之大監對雪

寒威逼曉入簾櫳亂雨天花帝釋宮皞皞易汗休擁
晝紛紛何似祗從風能文誰復延枚叟乘興眞宜訪

戴公老去映書無眼力夜闌惟喜月當空

酬德邵

三年絕域寄孤身
齧雪吞旃踵昔人
琴奏南音惟念楚
鷄鳴中夜忽離秦
重來澤國尋漁父
免向沙場逐鴈臣
好在五湖波浪濶
解纓濯盡塞垣塵

大隱集

郭椿年

曲江人政和二年進士紹興八年知東陽縣

和榴皮題壁韻

回仙畫像留東壁
薛荔團圓拱尺餘
昔日丹青今是否
斷編何處覓全書

欲知古寺傳神處便是東庵飲酒餘誰道逍遙蓬島客最能提唱竺乾書

百歲光陰殊迅速滿堂金玉謾贏餘豈無白日昇天事未有陰功紫府書

東林山志

譚知柔

厲有

練湖春霽

春入池塘綠漲初蒲根水暖戲鷗鳧雜花開處自深深紬雨濛空如有無風外鐘聲聞遠寺柳閒帆影出平湖冥搜竟日耽佳句不負宗生來畫圖

丹陽縣志

歐陽壺

廣西人政和二年進士

句

冰井有泓閑漱玉火山無燄謾生煙

句

恭公遺治傳耆舊元結雄文載簡編

輿地紀勝

彭應壽

都昌人政和二年進士

石橋寺

石磴盤空別島開深林蒼翠拂衣來曇花映日千峰
曉瀑布凌風萬壑哀野寺無人猿自嘯危梁駭客鶴

頻回桃源洞杳知何處翠髻雲房亦浪猜

宋詩拾遺

方維

莆田人政和二年進士朝議郎知封州

華臺

身在江城抑何暮心遊魏闕不崇朝

秀臺

垣墉角占樓臺近城郭心藏洞府深

輿地紀勝

黃覲

福州閩縣人政和二年進士

重遊超化寺

西山背水古招提
經歲重來覓舊堤
械械鼓秋黃葉下
陰陰結雨黑雲低
平生恐負林泉約
明日還愁步履迷
睡足一甌湯餌滿
更休作禮問曹溪

宋詩拾遺

馮安上

字康國寅子英德人
登政和二年進士官吉州
別駕尋改廣州權知梧州軍

聖壽寺

特起孤峯聳白雲
又環雙澗隔紅塵
枯崖有字唐元傑
古廟無碑舜二臣
草木怪靈千種藥
山川濃秀四時春
邦人競效封人頌
寺額金書聖壽新

韶州府志

凌烟嶂

南山山下多佳石過眼欣逢詩思得最憐小嶂隔窗
前透出烟光露秋碧

粵詩
蒐逸

余闢

尤溪人政和二年進士

釣臺

不誇長揖出宮闈不重爲漁老釣磯最愛清宵銀漢
上客星時共帝星輝

嚴陵
集

林侍晨

一作
林晨

福州閩縣人政和二年進士

括蒼洞

落日泉聲寒遶宮倚簷山色翠摩空劉晨去後門長
啟時見桃花滿地紅

仙居縣志

鄭才

一作之才惠來人政和二年進士

南龕山

一木修柟出萬蓬挺生縣邈尚誰窮胡爲壯烈思嚴
老雅愛甘棠學召公惟德自應存庇蔭企賢那不念
英雄要知遺蹟傳無盡時聽龕崖度遠風

保寧府志

陳桷

字季任平陽人政和二年廷對第三授冀州兵
曹參軍累官廣南東路經畧安撫使宋史有傳
合掌巖

合掌仙峯插漢高下臨滄海壓波濤看來疑是金仙
子無相光輝禮玉毫

東甌石志金

廣化寺

山高不受暑秋到十分涼望外去程遠閑中度日長
寺林投宿鳥山路自歸羊物物各有適羈愁逐異鄉

福寧府志

楊友

福建晉江人政和二年武舉及第紹興初知欽州有德政先是交趾與前守爭鹽利謀舉兵友至遣使通好宴交使於天涯亭交使語次欲爭地界友植鐵槍於亭謂曰若欲地界請鑿戰使者語塞臨別作詩送之交使服其文事武備歎誦惕息而退奸謀遂寢郡人呼爲楊鐵槍云擢知廉州府入祀名宦

別使者

可憐鱗細閒驚躍誤把新蟾作釣鉤

欽州志

程祁

字宗彥自歙縣徙家浮梁舉進士官至都官員外

郎政和二年知吉州

宿禪房院

山庵極迥互禪房深晦藏紅塵來不到虛室自生涼
好鳥時孤囀幽蘭靜亦香征車又成去終恨世緣長
再宿禪房院五首

隱溪人之官石城同年兄劉化權同來是院
時春晚蘭花盛開頗有山間意因爲賦詩及
再至則檻菊泣露但見秋色復用唐人禪房
花木深句爲五詩聊紀見聞之異耳

作意尋蘭若重來是有緣眼前真是喜境熟口口然
歸迹休論靜收心莫語禪廊虛剩看月炤影枕書眠
暫屏喧囂想來尋斷續香微風吹客袂孤月炤禪房
靜起勞生念閒諳養性方欹眼不成夢夜久轉清涼
春蘭與秋菊各是一時花芳馥聊應爾淹留定自佳
客塵隨處有歸夢計程賒采采眼前物令人惜歲華
策策日乾禾蕭蕭風晚木秋容全未老歲事十分熟
寺古斷行跡林幽聊脫足遙聞擊壤響知足先年曲
獻計憂不售逃形惟願深老來銷外念閑處愜高尋
晚艸媚遲景殘蟬噪暝林欲將詩遣興誰解此口心

京山

縣志

楊川

江西永豐人政和三年鄉解

武陵溪

武溪控扼五溪猶路入京城萬國朝石櫃雄排沅水
勢浮圖高聳接雲霄丹砂井湧三泉脉玉帶河橫六
畫橋輿地紀勝

蔡樞

字子應仙遊人政和五年進士厯官西京提舉
司主管文字提舉湖南學事年四十五致仕去

榜所居曰世隱累官朝散郎守職方員外郎贈
朝請大夫

自題畫像

平生陋質寫難真畫史揮毫妙入神瘦以休文非復
健寒如東野故應貧塵埃自笑雙蓬鬢泡影俄驚兩
幻身從此山林皆獨往定無勳業上麒麟仙遊縣志

余光庭

字朝美羅源人大觀己丑以漕薦入試擢第歷
官光祿寺丞知南陽鄧州

栖雲洞

去住無心洞裏雲雲窩寂寥宿氤氳遙知此勝非凡

匹澗水巖花香異聞

羅源縣志

宋詩紀事補遺三十四男侍讀銜內閣中書樹藩校

宋詩紀事補遺卷之三十五

歸安陸心源伯剛父輯

陳公輔厲有

行諸山道中

我曾天台游于今四十載一朝忽復來時節如有待
形骸覺老景景色殊不改雨中尋舊跡觸目雲羃靉
岩瀑落千尋澗花紛五彩崖深蘚蒼蒼溪淺石磊磊
昔時所未到足力胡可殆要當至絕頂直下小滄海
茲山八萬丈端的不吾給偉哉造化功疑若有真宰
黃精煮堪食茯苓良可採何當誅茆居此志終有在

遊普慶院

滿目雲烟萬疊山梵宮深鎖翠微聞市朝多少紛紛
客輸卻僧家一味閒

天封瑞雲閣

晴雲漠漠水潺潺危閣春歸白日闌若問祖師消息
處眼前環列是青山

天台
續集

題蒼嶺

行到山危僕已痛此身強健不須扶回頭指顧重岡
險得似人心險也無

天台
別編

題張子正觀察溪風亭

我家近東城南湖屢嘗游往時古堤岸路暗行人愁
棘籬蔽荒圃狸鼠呼啾啾好景豈終廢發見端有由
張公山西將帷幄久邇籌晚歲倦征討雅懷在林丘
人方喪不取公乃得所求除治見佳趣經營出奇謀
竹窓清景亂梅軒暗香浮中閒溪風亭嶧跨碧流
虛簷極宏敞坐見羣山幽終夜自泠泠六月長颶颶
蕩漾月波起飄急雲靄收曠然天宇閒清思何悠悠
高明幾還往玉茲時勸酬相從同一醉庶以消百憂
羨公強健身萬事心不留獨愛池館閑永日嘗休休
公才自無雙何用歎不俟試訪舊識中此樂寧有否

天台
別編

次韻喜雪詩

動天須假至誠祈誠若專時定弗違冬後縱無三白應春前俄有六花飛著人但覺寒威重擁衾猶嫌酒力微聊爲使君歌上瑞麥苗千頃已菲菲

天台
別編

雪晴可喜戲作四韻奉呈

盈石階前瑞已多晚來天色漸晴和青陽一氣應回暖黃竹三章且罷歌小雨喜時嵐滴翠細風吹處沼生波東郊便好尋芳去桃李爭妍映綺羅

天台
別編

予與德升尙書招已茂端明叔厚內翰會飲因

有倡和佳篇謾次前韻呈三兄

盛朝多少舊公卿誰似三人負大名金帶並趨清禁
路玉杯同醉白雲城

台州
城名

吾儕出處真成戲俗眼觀

瞻祇自驚便恐各隨封詔去且頻開宴慰交情

天台
別編

建炎丞相成國呂忠穆公退老堂詩

經營堂宇近江濱退隱功成名遂身門外魚龍欣得
地圃中花木暖藏春也知朝野思賢相聊借湖山作
主人誰謂周公驕且吝坐閒無日不延賓

平昔勳名絕輩汎正口贏得去尋幽春風陌上飛千
騎晚日林間映九梓閩嶺何妨傳雅詠龍庭行卽告

嘉猷願將屢秉釣衡手留作它年几杖遊

天台別編

張雍

靈岩集作張舜缺羅漢詩一首

字子雍陽羨人

靈巖七詠

政和四年七月

定惠像

昔聞海岸落迦山今日靈巖得諦觀莫問前身後身
事會須明眼一般看

證明龕

不倦千尋謁證明凭欄下瞰白雲生更期進步孤峰
頂要向如來頭上行

雙鶴泉

雙鶴飛來知幾年至今山腹有泓泉直應爲辦高僧
供挹取無窮金湛然

靈龜泉

山作靈龜勢願游滴泉奔涌豈常流誰當一的能知
味認取心源莫躁求

明空竅

橫看空洞貫山南人說當年臥佛巖渠識老婆心太
切直將一點示愚凡

鐵袈裟

淺蹊針孔費摻摻鐵作袈裟信不凡大庾嶺頭提不起
豈知千古付靈巖

三十二羅漢

此山羅漢極常當日威容儼在堂誰信盜中誠有道智過君子實難量

王亢

龍溪人政和五年進士

楚塞樓

地接荆門形勢遠氣連吳會物華秋

輿地紀勝
七十二

張鷁

字柔直福建懷安人政和五年進士蔡京延致
諸孫忽謂之曰汝曹且學走他不必學也諸孫
駭問對曰天下被爾父祖壞盡不久喪亂惟有
奔竄可以逃死不學走何爲紹興四年以趙鼎
薦知岳州五年知鼎州七年李綱薦知虔州卒
于任

寄羅廷揚

曾聞避世門金馬何事逃名寨石牛四海重湖今鼎
沸可能同上岳陽樓平江縣志

張憲武

南平人政和五年進士紹興中知汀州

題王廷俊

宗哲

六柳堂

六柳先生以道鳴歸家高伴子真眸方瞳綠髮君知否一片靈台畫不成

長汀縣志

溫革

原名豫字叔皮恥與劉豫同改名革福建惠安人政和五年進士累官祕書郎紹興初被命使河南修山陵歸奏以實高宗爲泣下忤秦檜出守延平刻五岳眞形圖後守漳州終福建轉運使

使

鳳凰山

慣作山林客聊遊戲劇場栗花收作燭柏子採爲香
且放高情適都無俗事妨人閒正擾擾只得咷空王
琴川志

方廷實

字公美莆田人政和五年進士高宗南渡厯右
奉議郎幹辨行在審計院終于廣南提刑見宋
史補傳

斷句

書亂床頭無甲乙鳥鳴窗外自宮商

蒲陽此事

譚綸

茶陵人政和五年乙未特奏名進士

太華山

樓閣甃天起山門
傍斗開香烟凝碧落瑞氣壓蒼苔
古殿藏金屋仙人臥玉隈
泉飛千澗雪風送萬峰雷
星辰光滿袖疑是法燈來

沅湘舊傳

姚毅

、德清人政和五年進士靖康初知龍泉縣事迹
詳湖州府志政跡傳

九姑山最高亭

一亭重構冠崇岡下瞰千巖拱四旁作意祗圖分野
景凌空因得近天光銀河入夜侵衣冷玉桂乘秋泛
席香我輩公餘堪燕集登臨何必待重陽

吳興藝文補

洪皓

屬有

贈彥清

好生惡殺號蒼天天憫斯民欲息肩自是大邦兵不
戢在子南國使無愆論功弗用矜三捷持勝何如保
萬全願早結成修舊好名垂史策畫凌煙

門下棲遲近一年郎君高誼薄雲天儻能一語寧三

國應有佳名萬古傳

彥清彈琵琶有感

彥清者金相陳王固新長子固新原本作悟室今依

金國語

解攷正

黃金捍撥紫檀槽推引柔荑品調高妃子和親嚙馬首樂天送客駐江皋一時聽罷嗟流落千古聲成訴
切嘈青冢青衫蕪沒久宦知孤旅更蕭騷

寄蘭干

出疆三載已三遷跋履修塗又八千山近速迴宦有
是舡經幸脫豈其然樂飢餧粥姑安命養拙茅齋且
任緣若也故人高義重暫來江畔唁張騫速迴山幸
脫舡皆所

名過地

小王親迎賦此贈行卒章聊遣鄙懷

混同江水秀可掬李氏太師女如玉婦德婦功應夙
成施鑿施柱亦初熟舜華美艷年逾笄未遭良匹求
名族風流儒雅王家郎燕食東牀坦其腹納幣委禽
六禮成送車百兩皆丹轂三星在天四月中今夕何
夕會花燭繩繆謹始待如賓伉儷要終貴和睦且問
祁祁多娣媵將見詫詫眾似續我來乞盟閱八十除
館又經融火六老母八十漫嗟予男女有九賦采綠
固知我後恤不遑人豈無情捐骨肉萬里一身祇自
憐其誰高義哀煢獨況復惡疾屢纏綿呼天恥作窮

遂哭因子告行遂贈言勿忘舊學膺天祿

次彥深韻

雖遇嚴冬喜氣和
開筵出妓騁婆娑
折腰翹袖爲公壽
願贊監軍早戢戈

藥名一絕

獨活他鄉已九秋
剛腸續斷更淹留
寧知老母相恩子
沒藥醫治盡白頭

程待制以黃居宋蘆鷺易燕穆之雪滿羣山

圖次韻以贈

燕畫遂成對

雪滿羣山景甚清
燕公乘興繪娛情
通靈妙紀徒誇

誕真跡曾傳可辨明御府多藏亡足惜邊庭罕見歎
連聲天敎待制成隻軸好掛高堂作畫城

靈棋卜

按隋經籍志有二
靈棋卜經一卷

若樂迎春詠四愁詔書未暇避要囚已知行止關天
命暫卜窮通聽鬼謀移監窯幽餐鼠艸奉春械繫易
羊裘何時放我南歸便抱甕躬耕死卽休

洪慶善韓美成觀所藏宣和殿書畫慶善有

詩次韻

晉唐尺牘丹青古老眼貪看眩欲花二使星臨增倍
價一篇語妙屬詩家當年寶闕藏書殿流落竈知松

漢見萬里懷歸爲公出往事宣和空厯厯

過曹溪

半世囚拘愧牧羊生還四載卻投荒危機未履已如此欲效前賢問上蒼

湏陽寓居

地瘠久荒蕪驅童且荷鋤誅茅仍避瘴汲水旋栽蔬
炮醬調應晚蓴羹與漸疎秋高宜日涉不必問丹書
南齊高帝四時
炮調和菜白

芭蕉

芭蕉非一種南粵競成叢結實聯房綠舒花燄火紅

象蹄形甚偉筒葛紅尤工羈旅牽愁思秋窗夜雨中

鄱陽

集

再入臺

連蹇多年心欲灰厭爲俗吏走塵埃豈知黃紙新書
下還送青瑣舊物來武騎強爲終不意河南難問愧
無才一麾早晚江湖去相與持螯共酒杯

樂平縣志

與金悟室

久持旄節傍門庭薄命如賒五鼎烹瓶乳幾時歸北
海屬書無日到西京莫誇地廣頻修怨須念民勞早
戢兵國寶善隣公若悟坐膺難老見昇平

樂平縣志

案二詩鄱陽人失收

陳博古

字守約通州人政和五年第進士官德化縣尉

海山樓詩

門外濤聲翻鐵騎檻前山色擁金盤

五山者
舊集

黃璣

政和五年知天台縣

清波堂

長虹吸盡兩潮水赤鑑粧成萬頃田

輿地紀勝

李昌孺

字德初河南人政和六年官運使

留題少林寺

少林來處豈無因知有當年面壁人五葉一花元會得莫將消息問殘春

五乳峯前達磨居徘徊山掩竹疏疏自從隻履西歸後卓錫泉今問已無

曾記香山作隱居雙泉風月自蕭疏不知小鄧庵相近餘地還能待我無

拙頌示少林長老初公

昔日曾聞師子音清風匝地滿叢林不須更問西來

意曉月亭亭正露金

一見師來契此心更於何處問知音要尋達磨當年
事只是如今舊少林

石刻

鄭庭芳

廷芬弟莆田人政和七年進士

長卿別業

洗筆池頭煙淡淡鳴琴臺畔水悠悠

輿地紀勝

金泉步虛臺

平生酷信退之詩謝文仙蹤頗自疑不到步虛臺下
看瓊臺瑤佩有誰知

謝升俊

字成彥臨海人政和八年進士累官左朝奉大夫知廣德軍終于朝請大夫知徐州見赤城志

建炎丞相成國呂忠穆公退老堂詩

當年直舊渭濱漁遠葉端爲萬世圖載亂功猶存社
張愛閑身已到江湖竹閒便好開三徑池外何妨架
一區從此標名爲退老時將杖履許誰俱

再造功成不自居玉墀長見詠歸歟青山流水看無
厭燠館涼臺興有餘天子時時思舊德蒼生日日俟
新除黑頭便上鋒車去遙想槐庭席正虛

天台別編

蔣旦

字澹然仙居人政和八年進士通判越州著有
適齋公

柘川漁火

桃浪流香春雨餘漁燈深夜出溪湄半篷明滅風生
處數點微茫月上時影落沙汀鷗夢斷光搖蘆葦雁
棲遲明朝解纜滄浪外濯足船頭唱竹枝

宋詩
拾遺

張夔

字致堯饒平人登政和八年進士初宰茂名旋
判廉州遷知新州致仕卒年九十三著有祿隱

集

句

慎勿與人交水火好尊名節重邱山

粵詩蒐逸
潮州府志

饒平縣志本傳夔五十登第七十致仕卒年九十有三子昌裔通判容州夔嘗示以詩云云後改瓊州持

身謹飭不替父風

黃彥平

彥平字季岑號次山豐城人政和八年進士建炎朝仕至吏部郎中出提點湖南刑獄靖康初坐與李綱善貶官南渡後數上劄子論事有三

餘集按宋藝文志作黃季岑玉餘集焦竑經籍志作黃次山三餘集宋詩紀事則曰黃次

山字季岑今據
豐城志校正

二妃廟

舜生諸馮沒負夏南游晚葬蒼梧野九峯中隱土一
坏草樹蒼茫誰辨者皇英不耐只孤墳妃祠別占清
湘原畧無石馬充故物但有叢筠志淚痕山川相遠
終相望衣冠來游環佩響風急真成鶴羽飛波寒不
隔龍工往鮫室何人相與居月明警蹕萬靈趨未論
甄后拾翠羽定見李曰騎鯨魚

田家春日

緯竹梁溪面誅茅舍道旁臘收冰下紙春課社前薈

露草牛羊長風花杖屨香人生皆若此官獨爲誰忙
遲日芳眾草微風被野田荒山有吠犬窮屋亦炊烟
花已清明近茶將穀雨前供輸了官事驩糲任吾年

還自豫章寄謝胡帥承公

翰墨南州士弓刀北府兵幾年聞戰伐兩地費經營
儉父吳兒笑儒冠武弁輕人才廣收拾歸共致升平

弱水

弱水三萬里仇池十九泉頗疑仙境界不隔世山川
海濶雖無地壺深別有天何因風雪後一壑獨蒼然

次韻朱希眞贈別

白頭纔半刺黃卷謾三餘
鬚禿細難理詩工錦不如
登山靈運屐下澤少游
車子念從吾隱吾能授子書
偶伴浮雲出還尋倦翼歸
泝流扶楚柂長夏及荆扉
故國荒喬木勞歌厭采薇
本非求獨往要自隔羣飛

約建德蔡令游梅山晨起微雪

長年蹤跡因塵埃幾向名山勒駕回
開約訪僧尋野寺翻飛踏雪看官梅
岫雲要是無心出溪月猶能有興來
竹折松欹更愁絕不妨吟賞助清哀

青回沙際草先知稍傍芳林上故枝野寺殘僧微雪
後凍雲寒雁共來時不愁眼裏無詩本却要胸中有

畫師已拚入城官長罵留連風物得歸遲

吳虎臣獻書行闕

山北山南煙靄橫破烟啼鳥已催耕能來夜雨連床話大似春風不世情琳館陸沈吾已老金門寵辱子方驚集賢學士應相謂詩客形容太瘦生

聖節有感

謾說南風入舜絃傷時撫事益悽然惜惜新綠愁鵠鵠悄悄殘紅拜杜鵑心折更聞胡部曲眼明那復御爐烟蒜山瓜步江南北寶鑑經囊若箇邊

歸途次韻

霏紅點點胭脂雨唾碧濺濺罨畫溪送客歸來問山
館一聲啼鳥日平西

村落人家柳過牆舞腰曾共小姑長點粧拂黛留相
學卷葉吹蘆莫漫狂

寒食猶須數日閒楚亭才隔幾重山歸來便有桃花
否試攀華牋問曲欄

隔年重到浯溪路旌獸行疎鬢雪添幸有江山供弔
屈愧無耆舊詠來廉

春風喬木浯溪寺指點溪流問故家庭下已無書帶
草步頭猶有水仙花

湘桃亦作春風面與拭中原淚眼看舊染天香悲麥秀續書王夢失槐安

巫山生女不必醜湘樹開花也自紅爲問黃塵奉嬌子如何青歲嫁東風

楚山雲日晝昏昏歎息皇妃尙有村鼓瑟聽渠悲帝子凭肩那得學天孫

逢人怕作宣明面爲米誤折淵明腰光陰客裏深相憶泉石山家特見招

剩水殘山明竹屋暖風晴日倩桃花輕羅小扇親曾見花外青帘是酒家以上黃次山集

熊浚明

南昌人政和八年進士

句

卓筆一峯當殿閣合圍千嶂鎖林泉興地紀勝

南禪寺

老榕挹翠拂雙垣流水相通郭外村一竹便堪勝渭
畝千花應不羨桃源漁樵小徑斜通市雞犬誰家半
掩門最好風光孤坐處亭亭海月破黃昏

福寧府志

慕崇禮

屬有

題張子正觀察溪風亭

巧據東西面勢雄茲亭壯觀一園中淙淙鳴竇過流
水拂拂虛簷來遠風好解塵纓濯清泚聊披醉袞望
穹窿冷然便欲乘空去汙漫相期孰與同

溪上微波起縠紋涼颺不斷快餘醺飄飄弄袖疑輕

舉馥馥吹花得細聞但羨林園今地主焉知弓劍舊
將軍功名興盡從吾好白首安閑少似君

天台別編

建炎丞相成國呂忠穆公退老堂詩

社稷公名不自賢小園卜築賞閑年脫遺富貴還身
外收拾芳菲寓目前未憇烟塵勞屬望莫孤風月且
留連一時賦詠多奇作江漢崧高好共編

帝眷民瞻豈暫忘江山信美可終藏元勳合冠凌烟閣雅興聊同綠野堂已作時霖卻龍臥行看天討待鷹揚囑公未用安高退准擬功成老故鄉

天台別編

次韻奉酬聊致挽留之意

歸艎少緩不須催更待東城一訪梅鐵石心情猶解賦芝蘭風味合相陪臘殘絕訪遲遲見春近何妨得來清賞未諧君欲去臨邛誰與共騎盃

天台別編

次韻成季尙書甯川卽事五首

山寺寓居

宣室思前席承明虛直廬不肯入州府公其終隱歟

對客隱几

世路機兼穿人情盾復矛客能知許事兀兀一時休
晚晴讀書

成功收拾芥舊讀餘斷編時思聖賢對久坐故依然
窗下獨酌

獨飲自成趣世情何用論生平龍坂客誰過雀羅門
東齋獨坐

當官肯虞謗遇事羞模稜閑來愛清夜默坐對青燈
德升尙書再用前韻見示五絕

山寺寓居

塵埃暗宮錦未紹安田廬陳力知不能不止獨何歟
對客隱几

邊書猶插羽世用在持矛空言客何務問事其少休
晚晴讀書

晴日照窗几閑意娛簡編白首繡輶悅今吾豈其然
憇下獨酌

忘憂有妙理細與麌生論相攜醉鄉去醒見月當門
東齋夜坐

一時盛意氣四海竦風稜我懷非此念兀坐對寒燈
觀使太尉俯用拙韻有述懷之作謹賦一篇

奉酬嘉詠

掌武當朝獨老成運籌分閫猷勳名旌旄載偃瓊臺
路符竹新拋鐵甕城近塞尙虞秋馬健空山底卹曉
猿驚更須口口口口口口口口口口口口口口口口口

天台別編

林孝雍

鄞縣人政和八年進士

鷲峰寺

憶昔俱帆舍嵐光翠漱侵金週山界斷紫碧洞天深
有斐瞻淇澳忘機學漢陰寥寥千古意瑤室有遺音

吳景侃

平江人政和八年進士授辰州法曹累封武昌
縣開國男

宿金鋪觀

褰裳夜入金鋪宿清氣一宵吟不足月在碧潭風在

松何必洞天三十六

沅湘者舊傳

羅峩

敬泰和人政和八年解試官迪功郎知浛光縣

蟠龍山

蟠龍山名何所因爲言山作蟠龍形欲尋地志質諸

古適遇野叟傳於今偉哉造化巧經始斲以斧鑿初
無痕四旁坦夷渺原隰一徑窅窕森松筠回旋屈曲
隱頭角蔚鬱葱翠含精神若蹲若踞翫清隱不起不
蟄司芳晨遙空水面素澄澈榮若珠顆尤鮮明政當
領下不易奪況復鱗逆誰能攬我疑此龍蟠亦久一
日得志當求伸轟雷掣電掀碧漢驤首曳尾凌青雲
會從古穴起雲霓用作霖雨蘇蒼生豈惟厚澤沛寰
宇兼有餘潤清邊塵乃知神物終變化肯容蛇肆甘
沉淪嗟俞避寇偶居此坐見牙璋爭起兵張皇旗幟
亘長道考擊鐘鼓辭嚴城共期元惡心膽破不待迎

敵神魂驚何知鼠輩怙同惡相與蠶食徒經旬傾囊
竭篋極侈侈欲戢戈棄矢尋歸程遂令強賊愈猖獗絕
流肆毒災生靈未聞改轍事更舉但得飲氣潛悲辛
龍乎龍乎速奔逸吾將與爾俱飛騰直上天池最幽
處噓風吸浪陪鷗鵬江西詩徵

王建

婁源人政和八年進士崇陽令

廣福寺

小松新檜未成行勸督栽培想上方簷外老榕知幾

歲亭亭孤立傲風霜

泉州府志

宋詩紀事補遺三十五男待讀銜內閣中書樹藩校

宋詩紀事補遺卷之三十六

歸安陸心源伯剛父輯

朱翌

厲有

示同會

無奈春光老不禁喜看晴日上窗櫺羣花半露乾坤
巧百刻平分晝夜停柱杖有時挑菜甲桔槔無復問
畦丁逢春不出何爲者眾醉誰知可獨醒

觀弄獅子

狻猊日走二百里於菟聞之望風靡春晴酷酒大合
樂乃向尊前應宮徵嚦呻奮迅左右顧慙馬悲鳴汗

流水供官自古藏太常失腳何年落村裏佛居勝我
空谷中吼法怖魔如此耳人間宜假不宜真此理吾
今得之矣朱詩拾遺

送趙史君守天台

四明天台神仙窟方丈蓬萊纔咫尺公今去乘畫鹿
輜直上赤城賓出日官家選材蘇我民所得莫如肺
腑親深山老人笑相迎山行海宿無一塵先口夫人
壽千春綵衣樂事日日新行當召歸侍紫宸苴茅分
土山東門我欲一見紫微君玉霄峰頂紛祥雲仙風
道骨長庚星可與八極俱遊神清明寒食斗指辰便

到黃堂尋故人

天台別編

寄贈錢松窗參政

公今居丹丘開窻眺奇峰窻前何所有鬱鬱澗底松秀色與清陰交墮巾几中身生富貴後四世幾五公繡屏開孔雀藻井羅芙蓉奈何不自麗反與寒士同前年侍上皇退朝每從容松窗表高隱詰曲盤虬龍龍光夐無比胡爲久居東願公促曹駟千載奉兩宮翌名寧海縣圃之榭曰青雲亭曰眞愛并以

出宰山水縣讀書松桂林爲十韻詩以寄薛

端尙知縣抗

子微坐赤城季真升白日我欲從之遊爲問策安出
公庭鳬鷺散藝圃有精采左右富書詩誰當爲公宰
開門挹羣峯欣然一解顏不知令尹心愛民如愛山
萬變世間法一一自有理使由地中行當如禹治水
勿以徒勞故乃復外州縣仲尼門下人千古處子賤
當前機穿深不損空洞腹請求貝葉書還坐與細讀
公乃青雲器青雲路坦如時來着一蹴不待子公書
契分山林密賓僚杖履從薄游栖在棘丞亦日哦松
四溟今無波百里可游戲佩未須紉蘭酒當且釀桂
丹丘五色羽傾耳聽韶音春風干仞翔徑入翰墨林

天台
別編

蕭振

字德起永嘉人登政和進士攝貴溪弋陽二邑
趙鼎薦授婺州教授紹興初自監漳州南嶽廟
召爲祕書郎拜御史擢侍御史除徽猷閣待制
知湖州以忤秦檜乞祠紹興二十年九月起知
台州莅政精明盜無敢犯官至敷文閣直學士
四川制置使

示邦人詩

我本江海人來守仙佛國年豐訟牒稀公事不留積

豈無一樽酒約客飛太白重念此邦人朝飽不謀夕
頃遭兩年荒十九皆菜色城中多餓殍倒死臭燻陌
幸茲連歲豐粒米棄狼籍嬉嬉不營生便爾輕牟麥
三日天不雨沙田已龜折十家九無儲何以度饑厄
我爲此邦憂夜眠不安席願天歲歲豐願爾痛儉督
一年三年儲三年九年食堯湯雖在上豐儉豈可測

別台編

程敦臨

眉州人政和進士

簡州

郡城好處西州無兩江回合東南隅江平浪穩去自
在淨色浸透銀蟾蜍

輿地紀勝

薛弼

字直老永嘉人政和中進士金人寇汴弼贊李
綱城守圍解遷光祿丞後爲湖廣通判贊岳飛
平羣寇紹興中以左朝請大夫直秘閣知荆南
軍府累遷敷文閣待制

建炎丞相成國呂忠穆公退老堂詩

濟南從古多名士崛起臯夔蘓北空君喜有堂堪逸
老上嫌無職可酬功蒼生日願起安石綠野今難留

晉公盛烈屢勤銘鼎鼐龍韜猶冀感雲風

卜築追尋九老遊江南最好是丹丘乞將金鼎調元
手輒向磻溪理釣舟東閣蚤延天下雋畫堂春鎖海
中州它年共看車書一舉目山河笑楚囚

天台別編

邵知柔

字民望政和人第進士累遷國子祭酒太子左
庶子兼伴讀乾道初除龍圖直學士奉祠

東呂太學禎

當時欲殺尙憐才奏稿流傳讀口哀一寸丹心朝士
鄂十分頭白道州回汴京今日猶豺虎陵寢多年沒

草萊聖主不勝嘗膽恨先生無用鶴書催

宋詩拾遺

楊邦乂

字希稷吉水人政和中以上舍賜第厯婺源尉
蘄廬建康三郡教授靖康元年知溧陽通判建
康軍府事建炎三年金帥入建康邦乂不勝憤
遙望大罵遂殺之年四十四事聞贈直祕閣賜
田三頃謚忠襄宋史有傳

金瀨弔貞女歌

深山兮蒼蒼瀨水兮湯湯中有貞女飲冰茹霜於焉
擊漂維瀨之陽遭壯士兮苦絕糧賑窮不惜傾壺漿

所處既以義安能計存亡幡然捐珮人不測下遊九
土從英皇耿幽光兮貫白日凜正氣夸摩穹蒼嗚呼
世無李太白此女終弗揚遺風奕奕山高水長可以
敦薄俗激忠良千古萬古誰韻頗溧陽縣志

李陵

字延伸處之龍泉人登政和上舍第遷太學博
士知舒城高宗初遷比部員外郎官至徽猷閣
學士帥廣東有文集十卷宋史有傳

菖蒲寺

飛泉一派木千章九節蒲根澗裏香拔宅不留鷄與

犬至今無處問仙方

輿地紀勝

許尹

厲有

朝陽巖

漫作游仙去靈槎進晚涼懸巖迷日月倒影浸瀟湘

風滿征帆過雲歸度鳥忙相忘物外趣時許棹相將

湖南道志山川

安時

政和中官邑尉

仙人巖

仙骨留來不記春仙巖石欲化爲塵

輿地紀勝

翁挺厲有

送劉羲仲檢討歸南康

時公在
汴京

先生來東都貌似林間鶴聞名今見之信難塵中著
諸儒紛藏寶人進已反却眇然千載事獨與復商略
斯人昔俊豪世故熟斟酌冥棲二十年不爲幽禪著
秋風有所思木落廬山腳豈爲菰葦念亦負溪友約
清霜動車輪不復生四角想見胸府間天池瀉寥廓
平生杜陵老妙處倚山閣歲晚或相從應分半巖壑

三劉
家集

楊友夔厲有

三高祠

長橋度已盡有亭枕江湄常時閉其門爲問居者誰
范蠡其明哲功成學鷗夷烟波五湖上風月一西施
張翰輕紱冕婦及鱸魚時生前一杯足何以身後爲
魯望棲甫里有田常苦飢不應州縣辟彰此胸中奇
並爲吳越人名與日月垂相去二千載乃今同一祠
壁間面如生凜然人在茲我本江海客於焉起遐思
死者不可作來者詎可期手持一釣竿浩歌熟從之

吳都文粹續集

松江秋盡

落日滿大江，孤舟猶獨行。蒹葭交相風，中有肅殺聲。
適從城日來，始覺秋氣清。世路若迫隘，江湖自寬宏。
平生獨往志，久與白鳥盟。陳人多所閱，新事屢可驚。
惟有江上峰，殘年眼中青。

吳都文
粹續集

元勛

厲有

題白帝廟詩并序

京兆元不伐，以言罷益昌。郡守對詔獄，於鄂
渚紹興戊辰五月初八日，艤舟瞿唐關下，不
獨有象馬之戒，水高搖蕩者二十丈，道款白
帝祠，因告之曰：「不伐若蠹國虐民，貪墨黷貨」

必見嗇於波神苟忠義是依又何懇焉遂絕
維東駛七百里晚泊黃牛灘盡三峽之險明
年春復西泝追賦此以報神休

楚山中到三峽開長江浩浩從西來瀟淪巨浸吞萬
派搖預傑立高崔嵬鯨波回薄山羊角征鼙摻疊鳴
春雷蹴石巖壁勢益狠怒濤駭浪爭鳴廻舟師絕叫
不容瞬風滿孰敢施檣桅龍驤蒙衝量萬斛梢揜擎
漩如枯荄昔聞有神司正直江潭祠宇留山隈羞牢
醞竿薦誠懇幽鑒冀蒙神所哀跋柂鼓檝駛東驚忽
忽已過巫陽臺巴徹炎瘴晝如霧湯燁赫日昏風霾

欵然晴皎射峭壁翠光冶灑無纖埃聯娟嵐光落衣袂飛雲容與風颺颺祝融之祥古亦有神之報與良豐哉嗟余陷阱豈無謂九死寧知禍有胎觸機直前靡顧後壬人宵小爭嫌猜燎原之勢旣猛烈垂涎膏血如狼豺盼刀陰顧肆舞勇脅肩詔笑如詖併違道奸徑躡禁橐盡綱異議爲梯媒旋踵已爲鬼瞞室俄驚白骨到蒼苔人勝有時天亦定祚蠻疏綱常恢恢險夷百折堅一節君恩浩蕩天昭回

夔州府志

姚鵬

政和中承議郎知丹陽縣

沈山

地偏少來客山青多似春聊憑杖履力得與雲霞親
惟有月留我更無塵汚人沈公不復見清風嘯松聲

丹陽志

許操

政和中通判平江府七年權知府事

見盧熊蘇州志

福延院

一山屈曲如回肘前有虎眠當水口陰森萬木綠參天秀色崕嶸欲飛走神仙渺邈不可問簫鼓尙能喧耳否朝風暮雨無歲年應是蒼苔暗斜斗

天台續集

毛衷

江山人政和間以刑部郎知賀州有惠政經富
州語子曰吾歸將于此卜居任滿將歸值方臘
亂卒于宜邱其子傳遂居富之秀峰以成衷志
焉

賀州作

幾年宦跡浪江湖到此功名心已無獨上高樓翹首
望江郎山下白雲孤宋詩拾遺

左緯

屬有

桃源洞

劉郎何用憶塵寰
舊路重尋事已難
古意飄零無處覓
藤紫溪色上欄干

浮盃石上坐多時
手弄滄浪客思遲
片片落花收拾看
洞中疑有舊題詩

青山簇簇水灣灣
洞戶應將玉鎖關
飲罷出來紅日晚
一聲雞犬悟人間

遊九峰

入山須判宿不宿
謾區區泉脈尋
還有蘭香嗅却無
杉高方見直石怪
不成麤若到三潭
頂歸時路更迂

以上天

次韵贈段德公

宦游初謂江南好不道淹留十載餘官職任卑終傲
世俸錢雖少尙收書天台舊俗思重借于浦同官忍
獨疎縱使北歸猶識路滻陽三徑近何如公鑄州人
金人經由之

避寇卽事

避地遶天涯艱難兩鬢華逢人惟問賊有夢只還家
幾處看楓葉今朝見菊花客衣寒更薄日暮在平沙
移家入空谷十口墮荆榛猛虎欲當路恠禽如喚人
死生吾有命幽獨自傷神泉石非無意終身愧隱淪

寂寥空山裏黃昏百恠新鬼沿深澗哭狐出壞墻
小雨俄成霰孤燈不及晨開門謝魑魅我是太平人
無路掃妖氛掀髯倚碧雲草茅難報國畎畝敢忘君
民業稍云復賊巢猶未焚老臣筋力盡灑淚對三軍

避賊書事

東鄰有老人金玉富無敵惡賊一朝來棄之如瓦礫
性命雖尙存見人無顏色老人自不思本爲大盜積
保城恃義兵悞事真可惜國家又昇平誰復覩鋒鏑
一旦驅市人紛然冒矢石逢敵先棄戈罪之不可得

會姪譽

憶昨宣和末羣兇聚韋羌

洞名

口朝遷巡尉州縣皆皇

皇居民棄家走老稚紛搶擣我時遭刦逐與子空相
望及茲建炎始叛卒起錢塘初間殺長吏尋亦及冠
裳死者不爲恠生者反異常子在賊圍中不知存與
亡出處雖異域阽危多備嘗骨肉非不親患難各自
當回思見賊日豈謂免殺傷安知出深壁猶得還故
鄉爭言不死狀失聲驚四旁餘生偶然遂萬事皆可
忘會我試新牘放懷坐中堂庭梧露躋碧砌菊風催
黃年華意未晚蟋蟀已近床對此復何待五觴至十
觴歌聲咽寒月舞袖破夜霜豈無少年態一醉巧爾

狂此徒爲酒使酒力安得長燈影照鬢髮百憂在中
腸干戈時未愈盜賊勢益張與子歸何處相看兩忙
忙

劉希真

政和時江東運判

抱元觀

龍岡十里秀蟠雲天斷靈墟館異人柳眼長年駐春
色金精一掬吐寒津田公羽駕隨颺遠長史琅函得
語真今日我來師接否半窗飛雪話蒙屯建康志

劉公度

政和間入內武節大夫康州刺史直睿心殿管

勾玉清和陽宮

次宋居卿韻寄題靈巖

十里靈巖翠口陰當時登陟到雲林佛衣化鐵存真
跡錫杖流泉慰渴心山擁精藍多勝槩松含清籟少
繁音歸來每厭紅塵擾夢寐猶能去遠尋石刻

王廷軌

政和中朝散大夫太子舍人

白雲洞

早向珠囊見今親厯洞門削成青玉壁擘破白雲根

冷射筠口色濃口古蘚痕坐來飢骨爽口口濕琴樽

徐州白雲
洞磨崖

王伯淮

東牟人政和間知福建安溪縣

呈德厚宮主先生

九鎖松門夜不關蓬萊分境到塵寰仙風鶴駕來天
表白畫雲旗下世間古洞得泉消俗病名山有藥駐
童顏何當常對先生面願借飛霓日往還

洞霄詩集卷二

王安中

厲有

龍巖山

鑿破巔崖透碧流小舟輕泛入深幽石鱗映水玻璃
皴山勢凌空翡翠浮雲護淵泉晴欲雨寒生洞府夏
成秋停橈峭壁題名姓醉墨淋漓記此游

廣西通志山川

象州

孔子生闕里居不陋九夷象郡雖云遠王地各有宜
竦梅脊度水瘦竹筍穿籬坐待百卉芳春風兼四時
惜哉此江山顧肯遊者誰

輿地紀勝

方開之

政和間通判汀州

定光南安巖

天下名山饒洞穴不似南安最奇絕一峯突兀上千
天十二子孫旁就列上有虛窗透碧霄夜分明月歸

巖腹輿地紀勝

鄭城口

政和時人

缺題

一帶波光遶翠屏森森萬木擁幽情小臣口作口口
想願賦中興頌聖明石刻

李懋遠

政和時人

鍊袈裟

宦遊飄忽十年間持節重來見舊山惟有潺湲庭下
水無心猶伴白雲間

路轉山腰十里陰參差樓殿倚雲平清蛇白鶴今何
在泉石空留四絕名

靈巖集

宋居卿

字無黨東苑人

政和丙午題靈巖寺

喬木森森結綠陰，翠峯深處隱禪林。
高僧見鶴生泉水，羣醜聞鷄息盜心。
春去野花開異品，曉來山鳥弄新音。
勝遊休便生歸計，到此蓬瀛路好尋。

石刻

呂天策

字彥發江陰人。隱居不仕，善詩，尤精於書法體兼數家。有石刻十卷，藏於家。政宣間，書學方興，被詔不就，人號曰呂詔君。

九日游君山

路分支徑入蘆花，繚繞江身覓酒家。
日晚樓臺金突兀，映山鷗鷺玉橫斜。
解衣狗竇光逸落，帽龍山想弄新音。

孟嘉欲趁老漁風一葉直窮天漢問乘槎江陰縣志

左知微

臨海人重和元年進士宣州教授

題北山松軒

堂堂老龍根挺秀依牕壁風烟歲月深滴翠潤幽石
時引琴瑟清泠然動吟臆明堂如度材豈惜破濃碧

天台續集

鄭禹

字才卿寧德人重和元年進士官工部郎中廣
東轉運使知建州

支提禪寺

卓錫千峯裏空門壯大觀雨餘雙屐冷風杪一燈寒
螭篆圃眞偈龍沙絕野干婆娑參佛果登眺已忘餐
審德志

陳興宗

沙縣人年四十卽掛冠歸里築園曰隱圃堂曰
佚老重和元年李梁溪謫監沙縣稅時興宗年
六十矣與梁溪及鄧肅唱和甚多梁溪有題陳
氏隱圃佚老堂二十韵有復用前韵呈興宗有
興宗示耳聾詩再次其韵有興宗志宏見和巖

桂長篇再賦前韵奉呈有同興宗志宏凝翠樓
觀月乘泛碧齋與興宗志宏分題興宗得齋字
以詩來次韵諸詩蓋亦高尚之士鄧肅挽興宗
先生詩云詩存當日三冬富光煥他時萬丈雄
十載從公點鐵寸毫今我披聾之句似肅
曾從興宗學詩者福建通志不列其名亦缺典
也

和高季明玉溪曉步

物外有佳趣塵中勞苦形芒鞋杖短藜快哉得松局
蘿蔓猿狙口懸石苔蘚青龍出正爲雨碧潭如畫屏

舒清國

字伯原西安人重和五年進士建炎初累官太常少卿權中書舍人以直龍圖閣奉祠終于知道州見兩浙名賢錄

迎暉閣

藹藹復依依朝暉以夕暉巖花寒不落簷鳥靜忘飛僧自眠黃葉人多夢翠微雲邊時見鹿飲冰近禪扉
西安志

孫邦

屬有

妙香堂 在碧招寺

淵明遇佳趣欲辨每忘言道安對勝士高論矜彌天
斯人已往不可得悠悠俗駕徒爭先夢尸夢穢了不
寤寧論郭足與裸顛惟知逐臭忘得喪一朝十獲歲
九遷誰能休沐過僧語聊問我林及我泉賢哉令尹
得此趣頗厭世味知葷擅學人薦取妙香句莫學文
殊空飯眠

呂城謁祖廟

吾祖持兵鎮此都投身九死定全吳一朝流矢中眸
子千載忠魂列霸圖墓木但遺楓合抱廟庭還有像

完軀英雄未必輸張許青史功名定有無

白蓮堂 在碧沼寺

大智西歸去不回只令蓮社喜重開會中獨有遺民
在五十年間兩度來

綠筠軒

年來宦拙喜躋攀門枕溪流四面山時過鄰僧話浮
世一軒長對此君間新城志

陳顯良

安仁人宣和己亥鄉解官清江令

贊鄉先生吳邦範

蓬萊有喬松特立風雨外元氣毓靈柯甘露日滋漸
昭映暘谷霞文章成五采矯矯梁棟資明堂不久待
遠隔東瀛波求之不可邁清飈六合生貞操千年在
終當巢鸞鳳出與聖時會

安仁縣志

羅孝芬

字廷颺平江人宣和初進士甲科屏居邑之石
牛山躬耕養親紹興中以左宣義郎通判永州
爲秘書省校書郎直祕閣湖北轉運判官提舉
荆湖南路茶鹽公事有雞肋集

躡雲亭

并序

胡世充家幕阜有亭榜以躡雲庚戌之冬避寇
南走遺基皆化爲荆榛獨此亭巋然無恙迄今
有季子元孫之慶強索余詞用書梗槧若亭之
所據則洞天佳處也山川之勝登臨之樂須主
人之歸而蹕吾屐矣

出山不愧草堂靈亂後看山山更青餘燼豈容遺大
廈躡雲端爲護危亭參差春燕依華浦斷續霜狹繞
翠屏物色趣君歸早晚已看蘭玉照階庭

沅湘
舊傳

王俊乂

字堯明海陵人宣和元年賜上舍第四年任太

學博士

圓壇午龕行事

平日郊邱事口談今朝相祀列星參

午階祀七星

大喪袞

冕陞南陛小次龍床近午龕韋杜去天真尺五嵩神

祀聖似呼三清都佩玉人歸後尚聽笙鏞萬谷酣

簡齋

集卷五

李迥

字叔友丹徒人宣和初高尙不出

句

楫客將軍重揚名御史尊

嘉定鎮江志宣和初董弁令升分教京口日因白太守虞奕純臣曰治下有隱君子盍訪之虞曰頑見久矣一日攜具邀董偕詣李辭以未嘗製衣冠野服見明日李遣介持詩謝曰云云時稱美之鄭作肅

字恭老蘇州吳縣人宣和三年進士紹興二十二年知吉州疾吏員冗濫乃按格律裁定其額且刊石以告後人三十二年直祕閣知湖州隆興二年開圍田濱港瀆

中秋登青原臺

去年中秋節鄰州正弄兵羽檄方四馳酒觴難一傾今年當此日往事久已平不但橐弓矢又復見豐登

桂魄十分滿暮容千里晴節物向人好江山入眼明
羣峰翠靄鬱靜練秋光澄霜竹裂石響焦桐號鐘清
巒巒高臺上飄飄欲凌雲矯首宇宙寬顧影塵滓輕
今夕定何夕此身非幻身謂言坐中客不飲若爲情
廬陵縣志

鄭昌齡厲有見補傳

說法臺

四十高峰繞法臺峰峰嶙峋玉蓮開嵐光擁翠猿啼
遍松蓋移陰鶴唳回貝葉乍翻鐘磬暝金沙猶伏地
爐灰天冠隱處多奇絕時見彌空花雨來

寧德志

蘇欽

字伯成仙遊人宣和六年進士官至利路轉運使

瑞泉庵

當年正覺此韜藏巖穴于今尙有光特特捫蘿訪遺迹龍神何事報支郎

聽雨軒

曾買江天著釣船夜深波浪拍船舷祇今耳畔聞風雨恰似當年蓬底眠

身外無窮百不聞筭沙活計亦慵論齋餘閑倚蒲團

宋詩三十六

暝只有溪聲落耳根

興化府志

宋詩紀事補遺卷三十六

男侍讀銜內閣中書樹藩校